

壇廟

記云凡有功德於民者則祀之能禦大災捍大患者則祀之蓋人與神一也人修於明則神馨矣鬼安於幽則人安矣神與鬼亦一也卽水源木本之思亦無二致也福田利益豈能妄求哉顧自二氏教興而紺宇琳宮幾徧天下則崇廟貌而盛莊嚴又不必盡協祀禮矣吳俗尙鬼自古已然楊舍僻

處鄉隅尤多惑溺梅林蘭若綦布荒村迨狼焰橫飛悉成焦土而與台星炳耀者僅一文昌宮燹餘物力爲艱罕能建復又經當道奏禁凡民間淫祀菴觀毋許重立故新構寂然況今

天子黜異端崇正學風聲所樹薄海同遵是以佛老之宮無大興作然名區舊蹟雖有廢興要與城郭村莊共其千古地雖別也不外職方教雖殊也領於祠部安在非王制所及歟志壇廟

壇

昔建暨陽縣時歲時祀事荒遠無徵非徒壇壝一端也
前明僅傳有里社壇其基後建城隍廟今沿爲故事
者惟厲壇壇有三處在東西北三門外清明祭北壇
中元祭東壇十月朔祭西壇每歲屆期本營或官或
弁迎請城隍神蒞壇就義冢旁隙地埽除爲壇駐神
主祭道光末改營後常由里人將事汛兵間有至者

廟

楊舍堡城志稿

卷十三

壇廟

二

城隍廟在城內廟灣街舊係里社壇明季里人公建
國朝康熙五十一年里人惠潤造石坊嘉慶四年里人
張璿築照牆道光中里人公捐闢廟西地增建西廳
爲神晏居所前爲照廳并本廟前後修飾咸豐十年
寇燬同治八年合鎮捐資先將寢宮樓宇建復
文昌廟在城內西大街明嘉靖三十七年建巡按尙公
維持立爲鄉學前殿奉

至聖神位後屋設塾故蔡志舊圖猶沿稱孔聖堂也

國朝康熙十四年守備張公瑞徵重修增設 四配神位後改文昌宮供奉塑像雍正十年風潮入城殿宇傾圮僅存門闌乾隆八年里人惠僕惠偉顧聯登卞天璧徐暘項樾周嵩高樊德俊修復四十二年火燬嘉慶十三年合鎮重建歲屆誕辰同人效吳門彭氏故事醮分禮懺遂沿成俗咸豐十年頭門及殿前右廂均爲寇燬同光間先後修葺并建復廂屋

關帝廟在城內北街明築城時建北向對翊京門營員

楊舍堡城志稿

卷十三

壇廟

三

春秋致祭

國朝來由營倡捐屢經修葺道光末改營後祀事漸廢一在六保薪橋卽寶積菴順治中建康熙四十八年重修俱咸豐十年寇燬一在三保小陳墅

雷祖廟卽廣福菴在迎龍關外明萬曆二十二年里人郭鄰川建供雷祖銅像

國朝乾隆閔尼朗澈募修咸豐十年寇燬光緒六年里人捐建前殿

東嶽廟在聚龍關外明嘉靖間里人郭鄰源捐基建
國朝順治間前半改爲東嶽廟殿供嶽帝銅像乾隆三
十八年里人郭恂張璿丁文錦葉鳳苞等倡捐改建
後半仍爲大生菴嘉慶十一年火燬住持僧悟律募
里人葉廷甲丁國治郭配郭愷郭霽捐建魁星閣上
供魁星像下供地藏王銅像閣中爲鎮士會文所閣
後有園卽息園後歸同善堂咸豐十年俱寇燬同治
十一年里人捐建廟門

天后廟在六保澱瀆港口乾隆五十三年蘇橋魚業公
建舊有樓閣咸豐十年寇燬同治中改建平屋

真武廟卽無量菴在城內南街對暨陽門明洪武中建
嘉靖築城後時有火災形家言廟供真武殿脊改高
可免人皆信之患果息崇禎十六年里人童寄凡住
持僧淨六等募修復募捐田畝有碑記見古蹟門

國朝康熙八年里人童受祉捐建後殿乾隆四十五年
里人張璿重修嘉慶間里人童信童義童禮等倡捐

再修道光五年童氏又改建後殿十年廟內藥師殿
災十五年住持僧一清募里人重建并修前殿改建

山門咸豐十年寇燬

舊傳此廟即永壽寺之前院古時通為一寺

財神廟痘司廟土地廟俱在東嶽廟右廟凡三間中供
財神左供痘神右供土神道光十五年里人公建成
豐十年寇燬同治十一年里人重建

周神廟在范港保或云神即晉周孝侯

猛將廟即常王廟在激瀆保舊奉明開平忠武王祀為

楊舍堡城志稿

卷十三

壇廟

五

祠
里中常氏始祖後改供劉猛將軍像殆數典而忘矣

郭教授祠在城內廟灣街祀宋江陰軍學教授郭公庭
堅嘉慶十一年楊舍裔孫公建成豐十年寇燬同治
十二年重建

尚杜二公祠在文昌廟後殿明嘉靖間里人許蓉顧兩

范瓚顧才等感二公捍患功奉為生祠有碑記二見

古蹟門

國朝雍正乾隆時疊經水火祠廢嘉慶間里人葉廷對
重建葉廷甲重奉神牌咸豐十年左廂寇燬賊平借
設善堂節次修建仍祀二公焉明許蓉有頌德詩

公建尙公杜侯生祠勒石頌德

許蓉

將府兵營兩落成運籌堂下晚風清參差畫閣連雲
聳飄閃旌旗照日明劍氣上橫星斗燦島氛永淨海
江平從今四境民安堵祠石還存萬古名

顧孝子祠卽普賢菴在城內石橋河尾南岸明萬厯二
十一年里人顧允登建天啓二年重修

國朝順治間卽菴宇奉爲玉川孝子祠乾隆間里人張

楊舍堡城志稿

卷十三

壇廟

六

璿捐修道光十八年里人再修咸豐十年寇燬

葉氏宗祠在城內鐘鼓樓南弄

童氏宗祠在城內南街

邵氏宗祠在城內照牆弄南

趙氏宗祠在城內石橋北岸

江氏宗祠基在城內北街後

繆氏宗祠在城內鐘鼓樓北弄

周氏宗祠在東門外大街南

葉氏支祠基在中巷

丁氏宗祠基在聚龍關內街南

郭氏支祠在聚龍關內街北

朱氏宗祠基在三保朱家巷

宋氏支祠基在三保曹口

陳氏宗祠在三保中村

張氏宗祠在六保十房圍西

許氏宗祠在七保許宅松墳

楊舍堡城志稿

卷十三

壇廟

七

常氏宗祠在九保橫涇南

蔡氏宗祠在澱瀆保蔡家巷

許氏支祠在澱瀆保四房巷

郭氏范港支祠在范港保涇東

包氏宗祠基在范港保大包巷

寺

永壽寺俗稱後寺在城內後寺巷寺碑述吳赤烏間建

蔡志謂宋靖康元年建一說時距千年荒遠無可徵

信元季寺廢明洪武八年僧玉堂重建萬厯間修有碑記二見古蹟門

國朝康熙時又漸荒廢邑人管天祚有募修文四十四年大殿復圯遂經寺僧廣募重建分東西院規模宏敞寺基計一千一百八十一步一尺四寸寺後萬壽山計一百四十七步五寸並官地無糧乾隆二十八

楊舍堡城志稿

卷十三

壇廟

八

一福重建西院願力堅苦西院日興而東院遂廢於是
恭奉

萬壽龍牌營員朝賀宣講

聖諭皆在西院焉咸豐十年山門寇燬內為營弁公館

西廂為潛安宮

募修楊舍永壽寺文

晉天祚

江陰之東北偏有楊舍堡堡有城城中有永壽寺碑版所記云翔自孫吳赤烏年間者也梁天監中江以南有四百八十寺而永壽寺與焉歷千四百餘年而罡風劫燒不入妙土洵乎佛法之靈長矣寺極宏廓基址周繚堂廊盤折僧徒聚以百數前朝嘉靖三十

六年丁巳監察御史尙公維持懲海夷之警建城以控江海之衝環寺作墉分而爲兩今之寺乃其後禪院也百餘年來莫之有廢邇二十年中戍守之卒聚族而居遂爲牧馬之地僧寮客署傾蕩無餘惟此殿楹巍然靈光然廡壁隕落楹栢凋脫蓮臺寶像剝蝕雨風繼流星散行道傷心者久矣不乘時葺治後將不支於是守府張君潔齋俸捐二三善士踵而增之然庀材鳩工度費不支限地課輸所入靡繼普天之下共蔭法雲則塵沙國土皆同一佛豈有此疆爾界之別乎此所以不能無厚望於四方之賢士大夫者也性智上人有志行者誓走十方募新茲院於其行書此貽之

院

河南禪院在六保橫河北岸明季河南省商人周氏建

楊舍堡城志稿

卷十三

壇廟

九

故名院供大士像靈蹟素著

國朝自康熙迄道光由住持僧募捐鎮人及十方善信益以香資歷次修葺增擴有屋六十餘楹以山門逼河復募捐許氏南岸隙地移濬河身俾北岸展築場基遂與西向大路通接於是香火益盛遠及三四百里有小天竺之稱咸豐十年堡城陷僧人藏像他所十一年冬僧俗同得異兆奉像渡沙乃彼岸甫登魔烽已及院宇盡化劫灰克復以來

皇圖益固法像重臨而住持僧豫已積化香資次第建復且於大殿恭奉

萬壽龍牌爲宣講

聖諭鄉約之所焉

菴

三聖菴在城內城隍廟左前明建供三官神銅像

國初設義學後廢菴亦漸圯嘉慶二十三年僧學賢募捐重建道光十四年復設義學山門右爲潛安宮咸

楊舍堡城志稿

卷十三

壇廟

十

豐十年寇燬

李太堂在城西街咸豐十年寇燬光緒六年里人重建迎龍菴卽茶亭菴在北門外街口康熙十七年守備李公尙文勅建招僧施茶乾隆中里人張璿修咸豐十年寇燬同治十二年璿曾孫繼祖倡捐重建

曇花菴在二保明里人范氏捐建俗名水墩菴四圍皆

水滿栽白蓮指揮潘公映奎題有白蓮生處額

國朝乾隆四年重修先後里士多讀書其中嘉慶以來

漸至荒寂道光六年僧祖壽募捐重建正殿咸豐十年寇毀右偏小半

積薪菴在二保花園灣

三餘菴在三保曹口咸豐十年寇燬同治中重建

慶龍菴在三保莊河橋西咸豐十年寇燬

喻家菴在三保

水抱菴卽趙永菴在四保水抱村外村人趙氏建乾隆時住持僧重修改名水月菴

楊舍堡城志稿

卷十三

壇廟

十一

迎福菴在四保明萬曆十年建後廢

興龍菴卽邵家菴在五保季家浜東

玉華菴在六保橫河里康熙時里人許淨夫婦並修淨

業捨宅建知縣耿公慶獎題菴名乾嘉以來歷經住

持尼修葺至道光間並建精舍咸豐十年寇燬同治

中重建里人顧書城有記

玉華菴記

顧書城

出翊京門里許曰橫河里枕河有菴曰玉華比邱尼主之其開山祖曰道隆許氏裔也許故巨族其先由靈寶遷居蘇橋中徙橫河里越十七世有名淨者娶

妻包無子夫婦並耽淨業習梵筴晚年進香普陀歸
遇虎厄祈佛佑得免遂一意清修自號道隆淨既化
包視髮仍襲道隆號捨宅爲菴梵誦之餘耕織自給
不與世人結香火緣世人亦鮮得入其門因著爲家
法康熙中邑令耿公重其節題其菴曰玉華殆以自
毫寶相光耀如玉天雨寶華一塵不染道隆之念念
回向六根清淨名之實諦有如是乎道隆既無所出
遂擇他人女以爲徒名佛儀道隆寂後佛儀世臘八
十八坐化傳衣蓮成遞傳之法傳及吾師德和皆世
守道隆家法不墮清規法傳尤能以定力累積增設
精舍逮師而莊嚴龍象光大法門師少習勞苦日肩
米抱布至市常主余家先外翰公中年始生長兄若
泉余生尤晚俱羸弱善病余母氏趙生母氏雷命俱
投拜師座爲佛弟子師雖身居空門而洞澈世法世
諦人有所事輒就參決師爲說種種法咸歡喜讚歎去
師畧諳三乘大指尤印契中峯國師訓文生平愛老

楊舍堡城志稿

卷十三

壇廟

十一

恤貧鄰近通有無者無不慈悲感應道隆遺田十數
畝師增益數倍不屑爲福田利益說希人佈施惟自
藝吉貝紡織聲恒與魚唄競作有二徒長玉林次根
林玉林早化其徒曰茂芳根林之徒曰茂菘茂泉師
嘗命茂泉主他菴根林受囑後復授茂芳茂芳化時
以徒福明幼而茂菘已先化因招茂泉還而授之其
嗣法不苟如此當茂芳之庚申遇劫也一切剝宇悉
遭魔燄念菴與城近乃昇法像藏僻處有勸以金燄
賊冀保全者賊轉索無厭至於窮無以應菴卒盡燬
時賊厲禁僧尼尼悉蓄髮易服甚有奸人漏透攝入
摩登室者茂芳服易而行不易勗其徒眾持堅忍力
勿壞道隆遺教旣而天龍八部摧蕩羣魔卽率徒歸
葺敗屋墾草田時以不克興復爲憾前冬示疾將入
涅槃特延道隆後賢斥剽茂才告以衣鉢傳次法會
因由求有以不朽之斥鄉以德和師嘗爲余摩頂謂
宜記以世間文字余惟菴字凡二十餘楹地凡五畝

殿後別有矮屋昔師以居鄰婦之孤獨無家者獨遺劫火卽今茂芳等棲止者也前後及右皆茂林修篁回憶童時皈依初地如電光泡影顧宗門以粉碎虛空爲上乘凡居之華屋而邱墟者不可同日語況道隆節行載在邑乘累世法嗣猶印人心所謂有相無相無有相無無相者尙亦其一端乎楞嚴謂彈指現世界華嚴謂忽地湧寶幢皆喻言也亦實境也後有善知識檀那安知不作如是觀耶抑余重有感者前明余族嘗有捨宅爲普賢菴並祀玉川孝子初亦招尼守香火後以污穢三寶墮落滅絕今亦廢爲瓦礫場以視道隆之華葉相承堅固常住相去奚啻百由旬也又聞吳門清淨菴當賊至時尼悉殉烈馮太史桂芬爲撰六烈祠記余謂蓮性自有淨因故污泥不染是菴之尼雖遜其烈猶不失其節庶幾辟支果矣夫何愧於玉華之名與道隆之教歟爰仿朱笥河學士錢塘吳氏家傳例以著玉華初祖一大因緣

楊舍堡城志稿

卷十三

壇廟

十三

隱善菴卽包家菴在六保包港西

井亭菴在八保上界涇橋西塊前明建

國朝康熙三十三年重修道光十六年里人張文灝倡

捐又修咸豐十年寇燬同治間重建

積善菴在八保前溪巷

竹林菴在九保渡船橋北

鎮海菴在澱瀆保令節廢港東咸豐十年寇燬

餘慶菴在范港保包思顧橋北

復興菴卽郭家菴在范港保代航橋北

永遺菴在范港保港東里民周氏建道光間里人張文

灝重修

楊舍堡城志稿

卷十三

壇廟

十四

楊舍堡城志稿卷十三終